



KENYATAAN MEDIA

LPSVN UKK/600-01/05 JILID 2 (35)

BALAI SENI NEGARA PERKUKUH KERJASAMA DENGAN MEDIA SEBAGAI RAKAN STRATEGIK HAWANA 2026

Ketua Pengarah Balai Seni Negara, YBrs. Encik Amerrudin Ahmad hari ini menghadiri Majlis Bersama Rakan Strategik Hari Wartawan Nasional (HAWANA) 2026 yang berlangsung di ibu negara.

Balai Seni Negara merupakan salah satu daripada 113 rakan strategik Pertubuhan Berita Nasional Malaysia (BERNAMA) yang menyokong penganjuran HAWANA 2026. Penglibatan ini mencerminkan komitmen berterusan Balai Seni Negara dalam menyokong usaha memperkasa peranan media sebagai medium penting dalam pembangunan negara dan penyampaian maklumat kepada masyarakat.

Majlis yang dirasmikan oleh YB Teo Nie Ching, Timbalan Menteri Komunikasi diadakan sebagai tanda penghargaan kepada rakan strategik yang menyokong penganjuran HAWANA 2026 serta menjadi platform mengukuhkan kerjasama antara organisasi media, agensi kerajaan dan sektor swasta.

Balai Seni Negara turut merakamkan penghargaan kepada para pengamal media atas sokongan berterusan dalam mengetengahkan seni visual tempatan kepada masyarakat. Peranan media amat penting dalam meningkatkan apresiasi terhadap seni, budaya dan warisan negara serta memperluas capaian program dan inisiatif yang dilaksanakan.

Sambutan HAWANA 2026 yang bertemakan “Media Berintegriti, Teras Kredibiliti” akan berlangsung dari 19 hingga 21 Jun 2026 di Pusat Konvensyen PICCA @ Arena Butterworth, Pulau Pinang dengan majlis kemuncaknya pada 20 Jun 2026. Balai Seni Negara berharap kerjasama strategik bersama media akan terus diperkukuh bagi memperluas penyebaran maklumat serta menyokong pembangunan ekosistem seni dan budaya negara.